

www.BibleForChildren.org


Génesis 1



Naapiara Tachi Ak'õrepa
pajã mãik'aapa eujã
ook'ãri, jõma p'ãriu
baji.



Pania aupai ũu baji. Waa
ne-inaa wẽ-e paji. Iru Jaure
pania ãri nipapachi. Tachi
Ak'õrepa na p'ek'au eujã
mãik'aapa
pajã nãgá ooji.



Tachi Ak'õrepa jaraji: —ƣdaapáde aji. Māpaiĩdaaji. Ma
ĩdaa t'ƣ biji ewari māik'aapa p'āriu t'ƣ biji p'ārik'ua. Māgá
ooji ewari, p'āriu ome, k'āima abaade.



Māpai Tachi Ak'ōrepa jaraji: —Pania ũk'uru it'aa
wāpáde aji. Ma ewaraa k'obimaa t'f̄ biji pajã. Ma jōma
k'ãima omeede ooji.



Māpai Tachi Ak'ōrepa jaraji: —Pania pajā ek'ari bi āyaa
beepáde aji, eujā uchiamerã. Māga paji. Chi p'oo bīmaa
t'f bīji eujã; paniamaa t'f bīji p'usa. Tachi Ak'ōrepa ichia
ooda pia unuji.



Māpai irua jaraji eujāde ne–inaa k'arra k'īra t'ādoō
t'onomerā; p'ūajara k'īra t'ādoō chi tau t'onomerā
māik'aapa pak'uru k'īra t'ādoode nejō
chaumerā. Irua jaradak'a
māga paji. Ma jōma
k'āima ōpeede ooji.



Tachi Ak'õrepa ne-inaa omé ooji pajāde
biit'ee. Chi waibiara bi ooji āstaawa
ĩdaamerā. Jõdee chi ma-āriara bi
ooji p'ārik'ua ĩdaamerā. Ichiaba
ooji lucero p'ārik'ua ĩdaadamerā.
Ma jōma k'āima k'ĩmariide ooji.



Māpai Tachi Ak'ōrepa jaraji:
—Toida paraapáde aji, chik'o
k'īra t'ādo. Ichiaba jaraji:
—Paraapáde aji, ipanaarã
eujã ĩri wāabaidamerã.
Māpai paraaji. Ma jōma
k'āima joisomaade ooji.




Māpai Tachi Ak'ōrepa jaraji: —Eujāde paraapāde aji,
ne-animalaarā k'īra t'ādo; taunomaa, tausaaree
māik'aapa eujāde bipa urt'īu nīuteepata
paara. Māga paji.



Māpai Tachi Ak'ōrepa māgaji: —ŋrá oodáma aji, eperā tachik'a bamerā. Eperāarāpa āchi jua ek'ari iru p'anadait'ee nāgee ne–animalaarā k'īra t'ādo: chik'o; ipanaarā; ne–animalaarā taunomaa, tausaaree bee paara; ne–animalaarā eujāde bipa urt'īu nīuteepata. Tachi Ak'ōrepa jōma ichia ooda ak'ik'āri, māgaji: —Pia bida aji. Ma jōma k'āima seide ooji.



Tachi Ak'õre Waibiapa ma eperã biji Edén ne-uu k'ãide
ne-inaa uumerã mãik'aapa ak'ĩ bamerã.



Māpai Tachi Ak'ōrepa
Adanmaa māgaji: —Pia
nejō jō k'iniata jōpáde
aji. Mamīda jōnaapáde
aji, jā pak'uru k'īsia pia
māik'aapa k'īsia k'achia
k'awapiparidepema.
Pia jāta jōru pirā,
piuit'eeda aji.



Māpai Adanpa t̄i biji ne–animalaarā taunomaa,
tausaaree beerā māik'aapa ipanaarā. Irua ma t̄i chaa
bidak'a māga beeji. Māgá ne–animalaarā chok'ara
paraaji mīda, ichi–it'ee
k'ōp'āyo wē–e paji.



Māpai Tachi Ak'ōre Waibiapa Adán k'āipiji. Māimisa orro aba ět'a ataji māik'aapa waya chi chiara aī naawedapemak'a bijī. Ma orrodee Tachi Ak'ōrepa Adan-it'ee wēra ooteeji.



Māgá Tachi Ak'ōrepa wēra imik'īradeepa
ooda perā, imik'īrapa atabēiit'ee chi ak'ōre chi
nawe ome, ichi wēra ome araa p'anadait'ee.
Māgá eperā omeeweda eperā apai
pik'a p'aneedait'ee.



—Tachi Ak'õrepa na p'ek'au
eujãdepemaarã audú k'inia iru bada
perã, ichi warra apai iru bada pëiji
piumerã eperãarã pari. Eperãpa
iru Warrade ijãa bi pirã, atua-e.
Jai-idaak'ãri, Ak'õre
eujãde banait'ee.



Romanos 3:23 Jōmaarāpa p'ek'au k'achia oopata. Eperā
apida wē-e wāara ne-inaa jōmaweda oopari
Ak'ōrepa oopi bik'a.

Romanos 6:23 Wāara p'ek'au k'achia oopataarā piudak'āri,
atuadait'ee. Mamīda Cristode ijāapataarā it'aa wādait'ee
māik'aapa ichita p'anapataadait'ee Tachi Waibia Jesucristo
ome, Tachi Ak'ōrepa māga k'inia bairā.

Hebreos 9:27 Eperā chaa piuda aba piut'ee. Maap'eda
Tachi Ak'ōrepa ak'iit'ee ma eperāpa pia maa-e pirā k'achia
ooda na p'ek'au eujāde bi misa.

Efesios 2:8,9 Maperāpi parā Cristode ijāadak'āri, Tachi
Ak'ōrepa parā o k'achiadeepa k'aripa ataji atuanaadamerā.
Pāchi k'īradoopa ma o k'achiadeepa p'oyaa uchiada-e paji.
Tachi Ak'ōrepapai eperāarā madeepa uchiapii.



Eperãarã ãchi k'ĩradoopa madeepa uchiada paara, mǎgak'ajida: "Tachia pia oopata k'aurepa Tachi Ak'õrepa k'aripaji." Mamĩda mǎga-e. Tachi Ak'õrepapai tachi ijãapataarã mǎgá o k'achiadeepa k'aripa atapari, apida pedee audua pedeenadamerã.

Romanos 10:9,10 Eperãpa jara bi pirã: "Jesucristo Michi Waibia" mǎik'aapa t'ãripa wãara ijãa bi pirã Tachi Ak'õrepa Cristo chok'ai p'irabaipiji, Tachi Ak'õrepa ma eperã wãpiit'ee ichi truadee. T'ãripa Cristode wãara ijãadak'ãri, p'ek'au k'achia wẽe p'aneepata Ak'õre k'ĩrapite. Ma awara tachi it'aideepa jaradak'ãri, "Jesucristo Michi Waibia", ak'ipipata irua tachi o k'achiadeepa k'aripa ataji.



Juan 3:16,17 —Tachi Ak'õrepa na p'ek'au eujãdepemaarã audú k'inia iru bada perã, ichi warra apai iru bada pëiji piumerã eperãarã pari. Eperãpa iru Warrade ijãa bi pirã, atua-e. Jai-idaak'ãri, Ak'õre eujãde banait'ee. Tachi Ak'õrepa ichi Warra pëi-e paji na p'ek'au eujãdepemaarã atuapiit'ee. Jĩp'a pëiji eperãarã o k'achiade wãdap'edaadeepa k'aripa atade atuanaadamerã.

1 Juan 5:11-13 Tachi Ak'õrepa jara bi tachia iru Warrade wãara ijãadak'ãri, ichita p'anapataadait'ee iru ome. Mapa jaradai: "Chi Tachi Ak'õre Warrade wãara ijãapari it'aa wãit'ee. Mamĩda chi Tachi Ak'õre Warrade ijãa-e bi it'aa wã-e pait'ee. Mãgĩ atuait'ee." Mia jõma jara aupada na k'art'ade p'ãji parã, Tachi Ak'õre Warrade ijãapataarã, k'awaadamerã wãara ichita p'anapataadait'ee
Tachi Ak'õre ome.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Epena Bible (sja) ©2005, 2010, 2015 Wycliffe Bible
Translators, Inc. All rights reserved.

<https://live.bible.is/bible/SJATBL/MAT/1>

©2026 Bible for Children, Inc.

www.M1914.org

www.bibleforchildren.org

